

悟真集卷上

連二

悟真集卷上

連三

錦屏山通玄子李先生集

燒藥包歌

藥包藥包離我肘二十年來作知友也曾因  
你服綾羅也曾因你歡花酒有貧有富百千  
家無日無時編戶走昧井榮送寸口災上添  
災亂針灸積行行功爲你無是非冤業因伊  
有今朝燒你没狐疑只爲儂心不仍舊藥包  
冒火奮神威聲出如雷聒天吼較些我送你  
鑊湯你悔身心先下手福源清罪根朽踊身

跳出塵凡穀障山千丈勢凌雲苦海千尋浪  
衝斗天道高兮有甚高地道厚兮有甚厚地  
有竅兮天有梯日月陰晴沒昏晝青雲白氣  
淨時交黑霧紅霞空裏闢混合中央結寶光  
光明直徹青霄透无形妙體樂平生一樣大  
虛無極壽

昏鏡歌

嗟昏鏡嗟昏鏡淨體不堪塵惹定拈來堅確  
有銅形面目比初渾不瑩模樣雖然依舊圓  
中間昧了圓明性欲施妙藥復揩磨洗滌從

前穢汚病全身透脫得玲瓏照破他人不端  
正玉匣深藏入洞房地久天長常清淨

悟謾勞歌

悟謾勞悟謾勞悟來甘分豎醜糟首陽山色  
枉含恨泪水波翻空怒濤十陣功成誅首劔

一場拒諫剖心刀古人未識逢斯害何事今  
人識又遭明可現暗可韜知難不退亦愚曹  
焚尸吞炭三思短擲瓢埋輪一著高我輩庸  
夫痴且拙紆青拖紫騁英豪速宜決斷收三  
寶莫待遷延白二毛夢中省物外逃輕裘羅

帶換麻袍瘦筇七尺敲龍杖類線三尋縛虎  
條布袖拂開無事路草鞋踏破有情牢長明  
宮裏栽金粟生氣園中種玉膏雞化鳳鯉變  
龍修真志氣抹雲高聲騰絳闕能鳴道渾似  
仙禽唳九臯

村醜歌

連二

二

二儀高厚爲奇耦萬物生成從此有萬物之  
中貴者人人身幾箇能貴守昨朝自嘆我今  
生無辱無榮謝天祐也曾聚散結英豪不被  
飢寒事箕箒而今老矣舊形骸深恨傍人笑

村醜如顰似瞽半呆痴跛足弓腰絨利口等  
閒不敢向人開吐出忠言益知友華池幹轉  
八瓊漿澆灌無根樹不朽別人忙亂有中無  
我咱活計無中有或寅夜或白晝坐卧住行  
忘體究寂然澄定不時間幹動天輪運機曰  
地氣騰天雨驟漲溢江河充宇宙龜隨蛇引  
覓爭馳虎嘯龍吟競交媾重樓棟宇玉崢嶸  
京山穴窟靈風吼乘此風昇返太空遠徹天  
門衝撞透香雲馥馥捧蟾光瑞靄霏霏罩星  
斗修行莫道不艱難徒恁知他恐爲謬到還

未到誓須到就還未就終要就發弘誓願執  
心香乞與仙師共長久

嘆不識性命歌

修行不識真空性膠漆盆中磨垢鏡用盡功  
夫磨更磨到頭難得圓明瑩真空性真空性

連二

三

無色無聲難視聽隱顯虛空空弗空尋之不  
見呼之應修真不識真元命摘葉尋枝強闢  
釘空見苗生秀不實失養元精果難證真元  
命真元命太極分形爲本柄萬物無爲造化  
中功超造化能成聖只修命不修性恰似烏

金飾頑磬打碎頑形空落空終身未免沉空  
淨只修性不修命水火不交如墮甌命不全  
兮性不真頑空空亦遊陰境修之性修之命  
出脫來時迷昧病性命兩全玄又玄一超遠  
離輪迴徑

嘆世知己歌

混元撲散兮物形貽物滅物生兮寒暑推世  
泰世凶兮人孽兆情哀情樂兮事合離有身  
有性兮來且昧壽長壽短兮去又迷我因悟  
此兮遠離害閑居陋巷兮心自快一年過隙



兮春秋變一晝轉頭兮暘昧移竹籬茅舍兮  
逍遙我名場利陣兮榮辱誰是非蠻觸兮辨  
休辨煙霞蓬島兮期可期無為大道兮鬼神  
重徹底至真兮天地知

恨不逢知音歌

道家活計兮人難覓縱逢覓者兮工他術圖  
名索利兮外相嚴迷言滯教兮內功失道體  
微德用密淨赤條條空寂寂說時莫說他徒  
迷憂時只憂自不及君不見千流萬派兮浪  
雖殊得源得流兮終歸一又不見殊途異徑

予步即差知轍知軌予同啓迪恢弘本性予  
體動靜之圓明養育真命予剖乾坤之變易  
面墻宴坐予訪達磨之遺風高枕恣眠予效  
希夷之芳跡性停命住予得杳冥之自然玲  
瓏禪定予顯靈源之消息或夢入於洞天或

連二

四

飛行而遊逸或玉女以携漿或金童而捧敕  
三千功雖未滿足姓名九轉金丹籍異日圓  
成功標仙曆問聞斯行則理必精通願安承  
教者頓蠲迷執忠告言須委悉切恐因循虛  
度日性鑑昏時旋擦磨心燈暗處勤挑剔保

氣精鍊神液朝種暮收須自識箇中玄關是  
真修此地不修修甚的舌上圓通心未通內  
假外真術粧飾豈不聞子期身喪兮伯牙之  
琴閑又不聞張華命逝兮劍雄而孰擊既而  
見用方丈一席蟠蟄身若也無拍天涯四海  
飄蓬力願逢同契話行藏呼吸虹霓吐胃臆

因道友惡疾歌

嗟哉嗟哉這箇形骸既有也因何死去既無  
也爲甚生來爲當是你能取首不知是我愛  
投胎糞材糞材送我輪迴今番撒下儘拖儘

埋莫對畫棺澆酒奠休尋綵輦挽歌擡上士  
讚揚下士笑一場兒戲送身媒心切切口哈  
哈冗冗人情魚陣排搖頭不認無生餌收拾  
綸竿下釣臺萬古清風拂襟袖一輪明月照  
蓬萊

連二

五

貽囑門人歌

召門弟子聽少有忠言囑我病也休醫我去  
也休哭三寸真氣無四體尸筋骨送莫綵花  
棺宅莫陰陽卜休占吉凶時便瘞雲煙谷盤  
薦罷閭閻賻儀閑骨肉無罪住人天有罪歸

地獄莫求賢聖慈莫畏鬼神族設憑讚詠功  
脫體罪難贖有箇出塵機預備修真福

七言

述懷

清閑無事志超然糲食麤衣絕萬緣目倦罷  
看殘畫軸手慵不續斷琴絃息心常是耽詩  
債樂性何憑買酒錢伸屈任隨緣分過萍蹤  
蓬跡度流年

貧甘鶉結弊袍單不畏狂風透骨寒恐動一  
身慵洗面怕勞十指不簪冠困眠石榻清還

爽興坐綿窩暖又寬頓覺身心人殼外雨傾  
微發不相干

自樂

利鎖名韉滿世間傭貧且喜得安閑心頭白  
境多殊勝身外紅塵任往還無爭豈消投洞  
水棄榮何用隱商山柳陰深處繩牀穩默默  
終朝不啓關

述懷警衆

心頭無事氣神和歌罷狂吟又載歌芝草榮  
華舍地氣瓊漿流轉貫天河剪除俗念存仙

念起退詩魔作道魔會得這些魔意思教君  
比我更魔多

善惡同生用不同兩般元出一心中慈言喜  
作養花雨怒氣休為送雪風鳳屋門前栽柳  
老虎窩村外種瓜翁古賢不是無能智念道

連二

六

忘言樂固窮

警世害眾

舌香腹臭惡鬩尋交結令人陷陸沉令色敢  
違承色戒巧言徒昧慎言箴欺心起處心違  
口誑口開時口昧心休恁只謀長得勝敗來

禍取海般深

勤修

悟真莫戀五湖水  
心了休遊萬疊山  
顛倒乾坤升降裏  
捲舒雲雨吸呼間  
五行鍊就三田寶  
萬化驅令九氣還  
六尺皮囊無作相  
更因何事不清閑

暇日述懷

門柳庭松地種瓜  
藥爐經卷老生涯  
戲驚啼鳥敲芳樹  
閑引遊蜂弄野花  
襟袖舞風從展  
轉簪冠枕石任欺斜  
有人笑問安棲處  
萬疊



雲深是我家

與張大師參同

大道無爲本自然假禪勘合見真禪性融空  
色無分別命扣陰陽會倒顛足底風生身翼  
地頭邊月照背磨天初心誰信無中有鸞鶴

連二

七

翱翔不用鞭

餞張公之陝西

物外幽人不易逢喜迎愁送意無窮德光散  
作秦川雨道氣空遺晉地風今日載言載笑  
裏後期一有一無中仙都揮塵雲霞外肯齒

萍蓬皓首翁

誠倦塵勞

本務塵勞作悟頭塵勞反倦恣貪求一番造  
作拊心懊百念艱難徹底憂七魄儘隨緣孽  
散三魂任自睡魔偷若沉此理爲修養何日

登臨法海舟

勸未悟道者

修行未掩五重關豈解神機鍊九還空執持  
齋爲淨戒謾尋服餌駐童顏五行不出陰陽  
穀二物全拘造化間省得無爲無相理不離

不即樂閑閑

誠耽書

搜羅塵念枉顰眉損益從來是兩岐千卷古  
書儒士解一壺仙景道人知少年且歷人間  
事壯歲須尋大道基為報聰明宜早辨莫教

伶俐變成癡

弔衛先生

弔君終日撫雲笈決了全真果的端蟬入青  
霄金殼冷鶴歸紫府玉巢寒悅隨風月三天  
上高立清標萬世看再啟蓬萊諸道契未期

相會穩勝鸞

寄三先生背道向書

苦閱三墳敏九思終焉計劣謾羈縻好依孔  
聖四禪頌盡奉純陽百字詩七返九還功就  
日三乘一了道全時碧天皓月清懷抱羨甚

連二

身榮折桂枝

初冬有感

秋光纔盡又冬隨北帝功施料峭期白草交  
加三徑滿彤雲黯淡六花吹收心急悟悟來  
晚下手速修修太遲堪嘆飄飄紅葉落還元

云是入窯時

雪

四合彤雲似有期  
風催飛雪遍天涯  
蓼汀蘆岸同銀色  
野樹家梅一樣枝  
嫌少孫公窻外  
夜恨多韓相馬前時  
茶餘煙暖無餘事  
論到

仙花葉上詩

問修行始終

迷徒欲識道人修  
煅煉純陽就則休  
三尺腋囊盛快樂  
一條手拐撥憂愁  
青山可住優游  
住綠水堪遊  
笑傲遊有客問予  
歸去路無言

笑指白雲頭

和王志隱新春

革故東君造化知  
鼎新春色景熙熙  
鶯遷喬木風猶軟  
燕近尋巢日漸遲  
半雨半晴桃露  
臉輕寒輕暖柳舒眉  
一年一見一回老  
白髮功名總為誰

連二

九

勸友人感春

君多春感沒來由  
假見春光有甚愁  
一歲但逢一歲了  
百年過盡百年休  
好消舊孽新緣  
結恐墮來生今世修  
咫尺壺天極樂境  
大開

門戶少人遊

天道融和次第春  
乾坤泰象正交通  
根荻陶鑄五行裏  
茅甲栽培二氣中  
歌管畫樓風細  
細輪蹄紫陌雨濛濛  
試看結實從花後  
盡在深根固蒂功

無常推訐難

奪鬼驅馳推訐難  
千金不諾買開顏  
豪家豈許貧家替  
今日何容明日攀  
寂寂紅樓人院落  
漫漫黑霧鬼門關  
奈何無限悲酸苦  
盡出平生愛念間

誠酒

覽古尋常怨杜康與人爲害酒爲漿腐肝腐  
肺傷難解脬胃脬腸病怎防引惹風波傾命  
水顛狂神思辱身湯勸君但飲休過度縱不  
妨人已自妨

嘆孽招水旱

造化陰陽氣不調蒼生孽力自相招貧民諂  
佞奸民詐富者奢淫貴者驕夏月反寒涼月  
暑雨時成滂旱時焦年饑不足人多疫已黷  
天公未見饒



寄劉先生久別

仙顏一別十餘暮  
肺府深銘引領思  
縱有良辰歌舊曲  
殊無風便寄新詩  
雖然夢到言難到  
終是身離心不離  
幾許臨岐腸斷處  
春風淡淡日遲遲

寄張先生

連二

傭跡西山爾據東  
鱗鴻不見信難通  
身心動止春飛絮  
蹤跡逍遙秋轉蓬  
六府無塵清淨裏  
三山有路杳冥中  
步雲一著休教昧  
恐屬因循白髮翁

因前白初夏河津雨

夏初雨力富農家  
斷送豐登不足誇  
桑椹半香籠赭色  
櫻桃近熟襯丹霞  
院前院後椒成穎  
村北村南麥放花  
翠柳綠槐深影裏  
軋聲不斷絡絲車

白王山堂夏日

閨寂山家夏日深  
清涼一味滌塵心  
披襟揀坐溪邊石  
策杖尋行柳下陰  
旋折野花閑引蝶  
猛敲芳竹戲驚禽  
貪看螳陣撩童笑  
不覺

天西日半沉

度日

騰騰兀兀度光陰  
名利蝸蠅更不尋  
鼎內夜勤三捻炷  
窻前朝樂一張琴  
杜鵑啼破華胥  
夢齊女呼醒禪  
定心誰識箇中閑  
活計旋收白玉鑄黃金

不影 寄陳講師

一別仙翁渺邈間  
游思教墨鴈南還  
煙迷曲直重重水  
雲映高低疊疊山  
石硯有塵經月暗  
柴門無客繼朝關  
蒲團竹杖移陰坐  
北顧

掀髯逸駕攀

寄辭史元帥

結交俊乂樂平生  
行止常思寵辱驚  
臂裏雖無扶轂力  
喉中端有喚雞聲  
當時對語多忠節  
今日傳言愈至誠  
徒指良辰期會面  
死生不得稱衷情

述懷

看甚人顏折甚腰  
青山雲水路非遙  
老松豈逐霜寒謝  
璞玉那從熾焰燒  
雞唱遠聞三里耳  
鶴鳴低徹九重霄  
兩忘榮辱知何事  
抱道

簪冠樂寂寥

遠訪陳講師

足繭重生汗若霖不辭迢遞訪知音義從肯  
讓丘山重恩顧迷連江海深閑客性磨甯客  
性達人心鼓達人心風生席上憑高價一笑  
都還直萬金

警仗勢難久

數關人事有興廢冬去春來無古今駭浪成  
紋空聚散閑雲藏雨謾晴陰前程倒指尅期  
盡往事回頭何處尋試卧東風成午夢覺來  
紅日早西沉

誠僧恃強

冷笑緇衣話太過直饒獨擅待如何幾般口  
裏剜坑塹三寸舌頭結網羅鑑垢尚存仍點  
污囊錐已利更揩磨饒君深抱荆山玉愁甚  
人間沒下和

連二

十二

自嘆

白髮簪冠老道流一生天賦得優游今朝不  
入他人彀明日從渠亦自由七十人稀六十  
壽三千仙果二千修昨非今是生涯了興即  
歌吟倦即休

自嘆詩文

重九冒寒謁友

重陽風葉動蕭騷  
斷送寒威徹弊袍  
遍體粟生驚凜冽  
哦詩齒震謁英豪  
我深有意呈千首  
他只無心拔一毛  
那更狂朋不我恤  
柴門杖擊喚登高

裴先生坐化

夜夢金童捧詔宣  
今朝羽化老裴仙  
一靈豁達歸真矣  
四大端嚴貌儼然  
躍化龍威投海島  
翱翔鶴力上羅天  
而今而後修真子  
少與先生可並肩

嘆休心

當時體段學風流  
年老駸尋萬事休  
名利盡隨流水去  
是非都逐落花收  
懶干風月踈詩社  
怕屬顛狂厭酒樓  
有客欲論榮辱事  
幾番緘口一搖頭

一箇述懷警門人

飲醉刀圭卧草廬  
香冥別境證功夫  
朱龍穩跨遊金闕  
玄鶴相扶翫玉壺  
萬變定時三界靜  
九天晴日一輪孤  
不知多少修真子  
此箇家風得也無



家風警世

時危不用直臣籌  
認得膠盆莫刺頭  
雲夢韓侯無罪滅  
社郵白起有功囚  
碧松林下高低廟  
芳草堤邊新故丘  
試向碑間觀舉止  
都無一箇稱心頭

勸俗自敘

俗眼艱窺道者流  
箇中別運妙機籌  
一輪明月中天淨  
兩件神光內境收  
長短卦爻從補  
坼丙庚水火自添  
抽春雷一震飛  
寥廓淨體縱橫  
天盡頭

已覺功名不遂成歸來寵辱兩無驚內收瞳  
子休觀色外鎖舌頭不有聲心似半篙潭水  
靜身如一片野雲行追思往事仰天笑險被  
空花悞一生

寄門人先生學書

何事先生厭草廬不親有道只親儒苦貪架  
上三墳義豈顧壺中七寶珠強吃有緣榮利  
祿不知無分淨功夫老骸病目看看近應也  
長吁自嘆愚

學道者誠執者

學道先須誠執剛執心自擅作強梁相如避  
路忘顏厚廉氏携荆乞罪當和氣至柔穿厚  
地泉流雖弱貫高岡處謙受益終無咎違衆  
超羣大不祥

自樂

連二

十四

衝開地網撞天關穩跨飛龍恣往還眼底便  
知為極樂座中深曉是蓬山忙忙二曜從渠  
速湛湛一真自在閑了不了兮休理會從教  
白髮笑酡顏

問法眷弟兄

問君心事莫生嗔端的修真要遇真教雨洗  
除心上垢道風蕩散眼中塵一壺變化夢中  
夢三界飛行身外身此箇玄玄還不信更將  
何物號陽神

警妄

也曾求道也參禪遍歷雲山不記年和尚發  
言誇佛種道人開口騁神仙六經十論文徒  
昧七返九還功妄傳已受皮囊囚禁苦猶言  
父母未生前

寄雷祐之大軍後病中

恢恢天網密牢籠孰是常安覆載中多少合  
離多少恨一番興廢一番空風前陌上屍猶  
是雨後沙場血尚紅試問當年貔虎士幾人  
得到白頭翁

自敘警輕命

連一

十五

世亂年凶事足諳抽頭隨分養真憨當年小  
子百千萬今日老翁一二三性命無根鈎上  
鯉形骸有限繭中蠶榮枯分定無差失休使  
欺心分外貪

科科無嘆道

性珠無樣抱重玄應變縱橫得自然豁達諸  
方明徹底經營萬彙體隨緣隱時寂寂歸毫  
末顯即虛虛塞地天本是一般無礙物崢嶸  
神用果無邊

誠貪

愛索纏身發嘆聲始知地就害還成畏針當  
眼培荆棘怕陷當途掘塹坑禍是愚人福裏  
出福從賢士禍中生英雄若不陰公判項羽  
東吳再起兵

誠妄說

欲話玄中顛倒顛須遊天內一重天心還有  
物休論道性若無根莫論禪初地不栽泥裏  
藕下梢怎結水中蓮莫將聖典狂猜解准擬  
身招妄語愆

宋真人垂訓河中

披雲大闡塵人間一載河中兩復還披度德  
光開九獄慈悲威力震三山吸呼萬坎陰陽  
變舒卷風雲天地開為報世人從此後不迴  
向善大愚頑

夜坐

迢迢夜色正三更玄體飛行出玉京風斂野  
雲千里淨光浮滿月一輪明銀星點點寒光  
白碧漢澄澄浩氣清何事日烏離海上一聲  
鐘送定初驚

樂境

連二

十六

大道淵兮在內觀淡手無味有真歡清風氣  
透三山透明月光飛萬里寬不約高低從變  
化奚分內外樂盤桓醒來獨對何人說盡付  
松風一操彈

道無二



釋道從來本一源如來老氏共登天箭穿鐵  
鼓藏深理爐煉金丹隱至玄白馬東來傳祕  
語青牛西邁吐真詮而今而後緇黃輩徒向  
丹書竺誥研  
贊知進退

閑來倒指點英豪越相劉侯一著高三卷聖  
書垓下祕一籌神變會稽逃西施謾展羅鵬  
網呂后空施陷虎牢小智欲謀成大事一如  
魚餌釣鯨龍

卷人問閑

既慕林泉笑傲閑  
便將瓶鉢伴青山  
陰符道德經三卷  
蓬牖桑樞屋兩間  
紫府靈禽勤接  
送丹山逸駕旋  
追攀坦然心上  
無餘事滿院  
松風書掩關

趙白二仙墳守而禮問

連二

十七

夜闌寶炷裊輕絲  
對塚披肝祝二師  
八百行修成甚日  
三千功累就何時  
人間蓬島猶難  
見世外羅天豈易  
知願入夢中明  
點破捨身志道  
待歸期

慇懃凭塚問行藏  
謹藝心頭一炷香  
索索固

窮三十載惶惶冒死幾千場住行坐卧百骸  
老游息藏修兩鬢霜一著無生今未了不忠  
不孝罪誰當

值人見棄

擔簦訪道片雲身漂蕩天涯二十春綠鬢  
同多有益蒼顏歸故近無鄰朱門肯顧柴門  
客孤褐誰憐臬褐人海島仙山歸未得任伸  
任屈養天真

樂貧

四更鼓罷市聲誼我正勦勦恣意眠蓋片紙

衾枕塊石鋪條蒲席襯堆綿或隨白鶴遊蓬  
鳥忽跨朱龍看洞天此箇話難人世說枉教  
名利笑風顛

中秋賞月

雲消塵斂半秋天星斗分明月正圓白玉樓  
頭誰品笛水晶宮裏我調絃滄海嶽冰清  
爾光浸乾坤冷湛然自古年年唯此夜世間  
何處不遲眠

上平陽廉訪使

百姓嗷嗷苦莫當大僚經過便清涼溫辭撫

俗寒添續潤德霑民渴遇漿到處威無風雨  
惡隨方名噴麝蘭香流風不令朱門懼祇聽  
雷音照寵光

送王進之

離盃漱灑送知音握手愁傾淚滿襟窄徑危

連二

橋當顧嶮亂山孤館莫無心落霞紅葉荒村  
遠曙色清霜野渡深杖屨天涯雲水遠未期  
情復蟻羶尋

囑楊先生

與君特地話行藏道在清貧當自強緊鎖五

關身有益謹持三寶行無妨薦賢舉善得雙  
美安已謬他必兩傷君子所為須願學自然  
福蔓與天長

道人作止果非常德要謙謙志要剛慧劍高  
揮羣怪避刀圭爛飲萬邪藏五霞鼎內烹金  
藥七寶爐中煉玉漿造化真修成健體通天  
徹地路堂堂

嘆時

離塵在道莫心違天地推遷世改移察察小  
人剛長日謙謙君子道消時灰心讓印垂三

顧冰晒辭金畏四知大抵孽緣休理會不如  
塊坐樂無為

誘衆

學仙一段妙機關盡在生成造化間水火推  
移逢即返木金動變遇須還二輪日月陰陽

連二

十九

息六合乾坤天地閑此箇功夫行得到始知  
隨處有蓬山

勸門人

舌了心頑學道人叮嚀忠告莫爲嗔青春暗  
去年年老白髮潛來日日新愛念重添心上

垢榮觀收拾眼中塵一朝耗蕩元真盡伏枕  
空嗟道遠身

### 警虛度

當時釣爾不迴頭縱得迴頭亦妄修木上求  
魚勤旦暮水中捉月度春秋幽明寵辱短長  
夢神臭榮枯多少愁試拭青銅看皓髮今年  
更比去年稠

### 壞袍

袍壞渾無一線聯莫尋網領不容穿四襟方  
竅與圓竅兩袖長懸復短懸濯垢條條隨水



去拂塵片片逐風顛而今卧月眠雲裏儘赤  
條條度晚年

警妄解圓覺

圓覺真經無可說強談圓覺廢功夫空圓覺  
了元無跡大覺圓成顧絕模漚沒漚生空聚  
散雲來雲去謾馳驅還知不說爲真說未肯  
人前鋪席鋪

寥陽宮夜坐

獨坐寥陽夜已闌銀河耿耿月華寒琴彈折  
桂姮娥聽劍舞誅龍鬼魅看八面玲瓏冰鑑

闊一天澄湛玉壺寬  
人間多少利名客  
不識  
簞瓢抱大丹

誠人妄解書

狂猜妄解誑談論  
不識真常道  
蒂根手掬途  
泥堦堆子口  
含漆水洗膠盆  
張良指是孟良

連二

二十

叔揚子呼為柳子孫也  
待升堂謀入室  
豈知  
遠隔幾重門

勸道人可遠鄉

修行切要遠離鄉  
不歷雲山道  
有妨月色到  
天元皎潔水流入海  
自汪洋絮綿離柳飛南

北蠻觸辭蝸絕短長竈底無薪火自滅豈勞  
指沸旋揚湯

警居菴幹私

得莫歡娛失莫愁幻軀六尺水浮漚今朝有  
喜今朝樂來日逢愁來日憂一息不傳爲朽  
骨半星皮冕是骷髏聖賢遺教伴龔瞽甘爲  
兒孫作馬牛

誠妄修

學道元須玉獎金天元真息理深深不於固  
蒂根頭覓枉向空花梢上尋專氣保精能實

腹抱元守一自虛心知他多少惺惺病不肯  
教人療一針

警親終南踈永樂

黃糧夢斷教爲基雲指重陽作祖師千里終  
南心喜去一程永樂脚慵移實從花後本來

連二

二十一

見根在苗先自古推曩日人謠今可信始知  
皮較一皮皮

夏日憇純陽宮

麥天誰不畏炎陽禪榻松風氣味涼茶乳滿  
甌清露冷檀煙結蓋白雲香性中空色都融

攝心外塵勞得坐忘卧看條山雲自散日移  
花影上東墻

勸劉子高

道人器宇別持操不恥終身弊緼袍方外注  
心方外友世間著意世間曹志須似水麟洲  
弱氣莫如山太華高敢問後言休退有自慙  
魚餌釣鯨黿

鶴雀樓避暑

鶴雀樓頭不暑天南來輕吹貫心田一塵塵  
土離身外千里山河到眼前卧飲清風心醉

道坐忘濁境性安禪中條山色半殘照紅翠  
連線接暮煙

遊山菴

清迥山菴煙靄中雲封幽徑水西東雨餘澗  
畔猿攀果日暖松梢鶴唳風栽藥畦中勤老  
叟採芝崑下戲鬢重他年撇却人間事氣吐  
虹霓返太空

晚年述懷

白髮簪冠百不宜日常睡早起還遲月圓月  
缺幾經見誰辱誰榮總不知閑說箇中君子

話狂今方外道人詩一生不問浮生計除此  
無爲總不爲

誠慳貪恃勢

非理貪求甚太過心頭網罟苦收羅暑寒尚  
被四時換晝夜猶隨二至那填海勢摧徐福  
笑披山力盡子房歌莫言得失由人造數到  
頭來無柰何

警參

道藉明師指到頭他人公案又搜求登天必  
假登天墜過海須憑過海舟萬物生成從本

發羣波蕩漾自源流鄙哉蟻慕盲修者癡燕  
猖狂戲蜃樓

還鄉作

昔年訪道走西東今日簞瓢復里中但可卷  
懷藏進取不堪開口論窮通人情冷暖香騰  
別世事興衰總不同多少狐裘貂帽輩霸陵  
消息氣雄雄

勸門人服勞

積福塵勞苦莫辭欲高須以下爲基營爲不  
礙乾坤合動作何妨日月移圓覺四禪依次



定陰符三盜自相宜一真不昧從終始久久  
無中養就兒

中秋夜

風開雲幕正中秋拉友携琴宴小樓檀屑滿  
拈添瓦鼎荻簾高捲掛銀鈎喜觀天面十分

連二

二十三

月豈惹人間半點愁飲醉西風忘彼此不離  
眼底看瀛洲

贈趙錄判

常道無爲玄且妙世人多欲觀邊徼迷流分  
派昧真源直志除斜撮正要上士聞之信又

行下愚得也証更笑是以洪波懶擲釣巨鰲  
魚餌知難釣

悟真集卷上

